



Ministry of Civil Affairs

Broj: 14-16-3-9-8/24

Sarajevo, 3. 6. 2024. godine

Na osnovu člana 70. Zakona o javnim nabavkama BiH ("Službeni glasnik BiH", broj 39/14 i 59/22), ministrica civilnih poslova Bosne i Hercegovine donosi:

O D L U K U

o izboru najpovoljnijeg ponuđača

I

Najpovoljniji ponuđač u postupku javne nabavke kancelarijskog materijala i papira za štampanje, objavljenom na web portalu Agencije za javne nabavke BiH, broj obavještenja: 121-7-1-45-3-38/24 od 24. 4. 2024. godine, 121-7-1-45-8-41/24 od 7. 5. 2024. godine i 121-7-1-45-8-43/24 od 10. 5. 2024. godine, koji je proveden u skladu sa procedurom konkurentskog zahtjeva za dostavu ponuda je AERO-EXCLUSIVE d.o.o. Sarajevo.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija za nabavke je konstatovala da je rok za dostavu ponuda 22. 5. 2024. godine do 11:00 sati, te da su do navedenog roka na protokol Ministarstva civilnih poslova Bosne i Hercegovine pristigle 3 ponude i to ponuđača: AERO-EXCLUSIVE d.o.o. Sarajevo, R&S d.o.o. Sarajevo i ELKOM d.o.o. Vitez. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuda ponuđača R&S d.o.o. Sarajevo nije prihvatljiva iz razloga što ne ispunjava kriterijume za kvalifikaciju, odnosno nije dostavljena deklaracija, odnosno certifikat ili druga dokumenta proizvođača olovaka o tehničkim vrijednostima olovaka za stavku broj 103, a koji dokumenti su traženi tačkom 2.4.2 b) konkurentskog zahtjeva. Iz navedenog razloga nije bilo

moguće utvrditi da li stavka broj 103 ima tehničke specifikacije tražene Aneksom 10 konkurentskog zahtjeva.

Ponude ponuđača AERO-EXCLUSIVE d.o.o. Sarajevo i ELKOM d.o.o. Vitez su prihvatljive, dostavljeni su svi traženi dokazi propisani tenderskom dokumentacijom, na propisan način.

Analizom ponuda, nakon okončane e-aukcije, primjenom kriterija najniža cijena Komisija je utvrdila sljedeće:

Najpovoljnija je ponuda ponuđača AERO-EXCLUSIVE d.o.o. Sarajevo sa ukupnom cijenom 46.346,40 KM bez PDV-a, odnosno 54.224,82 KM sa PDV-om. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili mu je mogla biti prouzrokovana šteta zbog nezakonitog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 5 (pet) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

MINISTRICA

dr. sc. Dubravka Bošnjak

Dostavljeno:

1. Ponuđaču - elektronski
2. Web stranica Ministarstva – na objavu
3. a/a

